

Broj:01-07-859-06/18
Mostar, 21.12.2018. godine

Na osnovu člana 13., člana 15. stav (2), člana 16. stav (3), člana 21. stav (1) tačka 2) i tačka 6), člana 22. tačka 1) i člana 57. stav (3) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 10., člana 11. i člana 23. stav (1) i stav (2) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 32. stav (3) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 20. Pravilnika o snabdijevanju kvalifikovanih kupaca električnom energijom i postupku promjene snabdjevača („Službene novine Federacije BiH“ broj 89/14) i Odluke Vlade Federacije BiH o utvrđivanju pružaoca javne/univerzalne usluge i usluge rezervnog snabdjevača („Službene novine Federacije BiH“ broj 84/14), Regulatorna komisija za energiju u Federaciji Bosne i Hercegovine - FERK je na XXII redovnoj sjednici održanoj 21.12.2018. godine donijela

O D L U K U

o utvrđivanju cijene usluge javnog snabdjevača za pružanje univerzalne usluge JP Elektroprivreda BiH d.d. - Sarajevo

Član 1.

- (1) Ne daje se saglasnost JP Elektroprivreda BiH d.d. – Sarajevo, kao imaocu dozvole za snabdijevanje električnom energijom - dozvole I reda i javnom snabdjevaču na prijedlog cijene usluge javnog snabdjevača za pružanje univerzalne usluge, sadržane u Prilogu 1 Odluke o utvrđivanju prijedloga cijena usluge javnog snabdjevača JP Elektroprivreda BiH d.d. – Sarajevo za pružanje univerzalne usluge broj: NO – 28924/18-81./3. od 31.10.2018. godine.
- (2) Odluka o utvrđivanju prijedloga cijena usluge javnog snabdjevača JP Elektroprivreda BiH d.d. – Sarajevo za pružanje univerzalne usluge broj: NO – 28924/18-81./3. od 31.10.2018. godine iz stava (1) ovoga člana, sa Prilogom 1 te odluke, sastavni je dio ove odluke i nalazi se u prilogu iste.

Član 2.

- (1) Utvrđuje se cijena usluge javnog snabdjevača JP Elektroprivreda BiH d.d. – Sarajevo za pružanje univerzalne usluge:

CIJENA USLUGE JAVNOG SNABDJEVAČA - JPEPBiH									
TARIFNI ELEMENTI	JEDINICE MJERE	DIFERENCIIRANJE	DOMAĆINSTVA		OSTALA POTROŠNJA				
			I tar grupa	II tar grupa	I tar grupa	II tar grupa	III tar grupa	IV tar grupa	V tar grupa
1	2	3	4	5	6	7	8	9	10
MJERNO MJESTO KUPCA	KM		4,80	4,80	9,65	6,90	4,80	4,80	6,90
OBR. SNAGA	KM/kW/mjesec		0,00	0,00	16,52	0,00	0,00	0,00	0,00
AKTIVNA ENERGIJA	fening/kWh	VEĆI	13,46	16,82	14,89	23,91	13,46	16,82	19,13
		MANJI		8,41	7,45	11,95		8,41	
PREKOMJERNO PREUZETA REAKTIVNA ENERGIJA	fening/kvarh		0,00	0,00	3,22	0,00	0,00	0,00	0,00

(2) U cijenu iz stava (1) ovog člana nije uračunata naknada za podsticanje proizvodnje električne energije iz obnovljivih izvora energije i iznos poreza na dodatu vrijednost, koje javni snabdjevač ima obavezu evidentirati na svakom pojedinačnom računu kupca u skladu sa važećim propisima.

Član 3.

Kategorije potrošnje su:

- domaćinstva, koja električnu energiju preuzimaju na 0,4 kV naponskom nivou,
- ostala potrošnja, koja električnu energiju preuzimaju na 0,4 kV naponskom nivou.

Član 4.

(1) Grupe unutar kategorije potrošnje domaćinstva su:

- I tarifna grupa, kupci koji posjeduju jednotarifno ili dvotarifno brojilo bez uklopnog sata ili nekog drugog uređaja za upravljanje tarifom,
- II tarifna grupa, kupci koji posjeduju dvotarifno brojilo sa uklopnim satom ili nekim drugim uređajem za upravljanje tarifom.

(2) Kupcima I i II tarifne grupe iz ovog člana, obračunava se izmjerena aktivna električna energija i mjesečna naknada po mjernom mjestu kupca.

Član 5.

(1) Grupe unutar kategorije ostala potrošnja su:

- I tarifna grupa, kupci priključeni na 0,4 kV napon, koji nisu domaćinstva, a koji isključuju kupce iz tačke c) i d) ovoga stava i imaju vršno opterećenje iz elektroenergetske saglasnosti veće od 23 kW i istu ne mogu mijenjati i prelaziti u neku drugu tarifnu grupu,

- b) II tarifna grupa, kupci priključeni na 0,4 kV napon, koji nisu domaćinstva, a koji isključuju kupce iz tačke c) i d) ovoga stava i imaju vršno opterećenje iz elektroenergetske saglasnosti manje ili jednako 23 kW i posjeduju dvotarifno brojilo sa uklopnim satom ili nekim drugim uređajem za upravljanje tarifom,
- c) III tarifna grupa, kupci priključeni na 0,4 kV napon i to:
- 1) jaslice, vrtići, obdaništa,
 - 2) domovi za smještaj djece, učenika, studenata, vjerskih službenika, invalida, lica sa umanjenom sposobnošću, staraca i penzionera,
 - 3) vjerski objekti i kuhinje humanitarnih organizacija,
 - 4) privredna društva, ustanove i organizacije lica sa invaliditetom u skladu sa Zakonom o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH“ broj 9/10),
te posjeduju jednotarifno ili dvotarifno brojilo bez uklopnog sata ili nekog drugog uređaja za upravljanje tarifom,
- d) IV tarifna grupa, kupci priključeni na 0,4 kV napon i to:
- 1) jaslice, vrtići, obdaništa,
 - 2) domovi za smještaj djece, učenika, studenata, vjerskih službenika, invalida, lica sa umanjenom sposobnošću, staraca i penzionera,
 - 3) vjerski objekti i kuhinje humanitarnih organizacija,
 - 4) privredna društva, ustanove i organizacije lica sa invaliditetom u skladu sa Zakonom o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH“ broj 9/10),
te posjeduju dvotarifno brojilo sa uklopnim satom ili nekim drugim uređajem za upravljanje tarifom.
- e) V tarifna grupa, kupci priključeni na 0,4 kV napon, koji nisu domaćinstva, a koji isključuju kupce iz tačke c) i d) ovoga stava i imaju vršno opterećenje iz elektroenergetske saglasnosti manje ili jednako 23 kW i posjeduju jednotarifno brojilo ili dvotarifno brojilo bez uklopnog sata ili nekog drugog uređaja za upravljanje tarifom.
- (2) Kupcima I tarifne grupe iz ovog člana, obračunava se izmjerena aktivna električna energija, vršna snaga izmjerena u vrijeme primjene većih dnevnih tarifnih stavova (obračunska snaga), prekomjerno preuzeta reaktivna električna energija i mjesečna naknada po mjernom mjestu kupca.
- (3) Kupcima II, III, IV i V tarifne grupe iz ovog člana, obračunava se izmjerena aktivna električna energija i mjesečna naknada po mjernom mjestu kupca.

Član 6.

- (1) Za kategoriju domaćinstvo veći dnevni tarifni stavovi primjenjuju se od 7:00 do 13:00 h i od 16:00 do 22:00 h, tokom zimskog računanja vremena.
- (2) Za kategoriju domaćinstvo manji dnevni tarifni stavovi se primjenjuju od 0:00 do 7:00 h, od 13:00 do 16:00 h i od 22:00 do 24:00 h, tokom zimskog računanja vremena, te nedjeljom.

- (3) Za kategoriju domaćinstvo veći dnevni tarifni stavovi se primjenjuju od 8:00 do 14:00 h i od 17:00 do 23:00 h, tokom ljetnog računanja vremena.
- (4) Za kategoriju domaćinstvo manji dnevni tarifni stavovi se primjenjuju od 0:00 do 8:00 h, od 14:00 do 17:00 h i od 23:00 do 24:00 h, tokom ljetnog računanja vremena, te nedjeljom.
- (5) Za kategoriju ostala potrošnja veći dnevni tarifni stavovi primjenjuju se od 7:00 do 22:00 h, tokom zimskog računanja vremena.
- (6) Za kategoriju ostala potrošnja manji dnevni tarifni stavovi se primjenjuju od 0:00 do 7:00 h i od 22:00 do 24:00 h, tokom zimskog računanja vremena, te subotom i nedjeljom.
- (7) Za kategoriju ostala potrošnja veći dnevni tarifni stavovi se primjenjuju od 8:00 do 23:00 h, tokom ljetnog računanja vremena.
- (8) Za kategoriju ostala potrošnja manji dnevni tarifni stavovi se primjenjuju od 0:00 do 8:00 h i od 23:00 do 24:00 h, tokom ljetnog računanja vremena, te subotom i nedjeljom.
- (9) Omjer većih i manjih dnevnih tarifnih stavova je 2:1 po tarifnom elementu aktivna električna energija.

Član 7.

- (1) Cijena usluge javnog snabdjevača iz člana 2. ove odluke počet će se primjenjivati 01.02.2019. godine.
- (2) Cijena usluge snabdijevanja od javnog snabdjevača JP Elektroprivreda BiH d.d. – Sarajevo na koju je FERK dao saglasnost Odlukom broj 01-07-304-01/18 od 27.02.2018. godine („Službene novine Federacije BiH“ broj 18/18) prestaje se primjenjivati 31.01.2019. godine.

Član 8.

JP Elektroprivreda BiH d.d. – Sarajevo, kao imalac dozvole za snabdijevanje električnom energijom - dozvole I reda i javni snabdjevač, obavezno je na svojoj internet stranici i u svojim ovlaštenim kancelarijama za odnose sa krajnjim kupcima objaviti cijene usluge javnog snabdjevača.

Član 9.

Ova odluka stupa na snagu danom donošenja, objavljuje se na internet stranici i oglasnoj tabli FERK-a, te u „Službenim novinama Federacije BiH“.

O b r a z l o ž e n j e

Članom 13. Zakona o električnoj energiji u Federaciji Bosne i Hercegovine propisano je, između ostalog, da se elektroenergetskom subjektu u opštem ekonomskom i društvenom interesu može nametnuti obaveza javne usluge koja će osigurati sigurnost snabdijevanja, redovnost, kvalitet i cijenu snabdijevanja, kao i zaštitu životne sredine,

uključujući energetska efikasnost, upotrebu energije iz obnovljivih izvora i zaštitu okoline, a sve u skladu sa važećim propisima Federacije BiH i međunarodnim ugovorima koje je zaključila Bosna i Hercegovina. S tim u vezi propisano je i da su, kao dio obaveze javne usluge, elektroenergetski subjekti kojima je ta obaveza nametnuta dužni pružati univerzalnu uslugu snabdijevanja električnom energijom svim krajnjim kupcima iz kategorije domaćinstva, malim preduzećima i komercijalnim kupcima na području njihovog djelovanja, u skladu sa elektroenergetskom politikom Federacije BiH, tako da navedeni kupci imaju pravo biti snabdijevani električnom energijom određenog kvaliteta po razumnim, lako i jasno usporedivim i transparentnim cijenama. Članom 15. stav (2) ovog zakona propisano je da će se razvoj tržišta električne energije provoditi u skladu sa elektroenergetskom politikom, reformom elektroenergetskog sektora, tim Zakonom, provedbenim propisima donesenim na osnovu zakona i akata Državne regulatorne komisije za električnu energiju i FERK-a. Članom 16. stavom (3) istog zakona propisano je, pored ostalog, da se elektroprivredne djelatnosti proizvodnja električne energije za kvalifikovane kupce koji se snabdijevaju od javnog snabdjevača u skladu sa članom 13. stav (9) istog zakona, distribucija električne energije, kao i snabdijevanje električnom energijom kvalifikovanih kupaca, koji se snabdijevaju od javnog snabdjevača u skladu sa članom 13. stav (9) zakona, obavljaju u okviru vršenja obaveze javne usluge. Članom 21. Zakona o električnoj energiji u Federaciji Bosne i Hercegovine propisane su nadležnosti FERK-a uključujući nadzor tržišta električne energije i davanje saglasnosti na cijene usluge javnog snabdjevača nakon potpunog otvaranja tržišta električne energije. Članom 22. tačkom 1) Zakona o električnoj energiji u Federaciji Bosne i Hercegovine propisano je da je FERK obavezan u skladu sa međunarodnim normama i standardima Evropske unije, Elektroenergetske politike, reforme energetske sektora, provedbenim propisima i aktima DERK-a osigurati postupno uvođenje, regulisanje i razvoj tržišta električne energije, kao i osigurati transparentne i ravnopravne odnose između svih učesnika na tržištu. Članom 57. stav (3) ovog zakona propisano je da u slučaju kada kvalifikovani kupac ne iskoristi pravo izbora svog snabdjevača ili kada mu snabdjevač nije dostupan nakon otvaranja tržišta, ima pravo na snabdijevanje električnom energijom od javnog snabdjevača u skladu sa članom 13. stav (9) zakona.

Članom 20. Pravilnika o snabdijevanju kvalifikovanih kupaca električnom energijom i postupku promjene snabdjevača, propisano je da javni snabdjevač predlaže cijene usluge javnog snabdjevača, po kojima isporučuje električnu energiju u okviru univerzalne usluge, u skladu sa Metodologijom za utvrđivanje cijena usluge javnog snabdjevača za pružanje univerzalne usluge u Federaciji BiH. Takođe, ovim članom je propisano i da cijene moraju biti predložene FERK-u najkasnije 60 dana prije planirane primjene istih, kao i da FERK daje saglasnost na predložene cijene, a u slučaju da cijene koje je predložio javni snabdjevač nisu utvrđene u skladu sa navedenom metodologijom, FERK neće dati saglasnost na predložene cijene, u kojem slučaju FERK utvrđuje cijene usluge javnog snabdjevača u skladu sa ovom metodologijom. Propisano je i da je javni snabdjevač, nakon dobijanja saglasnosti FERK-a na predložene cijene usluge javnog snabdjevača, odnosno nakon što FERK utvrdi cijene usluge javnog snabdjevača, obavezan na svojoj internet stranici i oglasnoj tabli objaviti cijene usluge javnog snabdjevača koje uključuju cijenu nabavke električne energije, cijenu usluge snabdijevanja javnog snabdjevača i cijenu usluge korištenja prenosne/distributivne mreže.

Vlada Federacije Bosne i Hercegovine je, Odlukom o utvrđivanju pružaoca javne/univerzalne usluge i usluge rezervnog snabdjevača, JP Elektroprivreda BiH d.d. - Sarajevo, kao nosiocu dozvole za snabdijevanje električnom energijom – dozvole I reda, dodijelila status javnog snabdjevača sa obavezom pružanja javne/univerzalne usluge snabdijevanja električnom energijom i usluge rezervnog snabdjevača na području svog djelovanja. Na osnovu naprijed navedenih odredbi, JP Elektroprivreda BiH d.d. – Sarajevo je dostavilo FERK-u 21.11.2018. godine svoju Odluku o utvrđivanju prijedloga cijena usluge javnog snabdjevača JP Elektroprivreda BiH d.d. – Sarajevo za pružanje univerzalne usluge broj: NO – 28924/18-81./3. od 31.10.2018. godine primljenu pod brojem 01-07-859-03/18, gdje je u Prilogu 1. utvrđen prijedlog te cijene.

Javni snabdjevač je u obavezi da dostavi prijedlog cijena usluge javnog snabdjevača koje uključuju cijene nabavke električne energije, cijenu usluge snabdijevanja javnog snabdjevača i cijenu usluge korištenja prenosne/distributivne mreže. U prijedlogu cijena iz Priloga 1. Odluke o utvrđivanju prijedloga cijena usluge javnog snabdjevača JP Elektroprivreda BiH d.d. – Sarajevo za pružanje univerzalne usluge tarifni stavovi za I tarifnu grupu kategorije ostala potrošnja **nisu načinjeni** u skladu sa članom 8. stav (1) Metodologije za utvrđivanje cijena usluge javnog snabdjevača za pružanje univerzalne usluge u Federaciji BiH u kome je propisano, između ostalog, da je javni snabdjevač obavezan voditi računa o izbjegavanju naglih cjenovnih promjena za kupce u okviru univerzalne usluge. Za ovu tarifnu grupu su predložene nagle promjene nagle promjene tarifa po tarifnim elementima obračunska snaga i aktivna energije.

TARIFNI ELEMENTI	JEDINICE MJERE	DIFERENCIRANJE	ostala potrošnja - I tarifna grupa		
			primjena od 1.1.2018.	primjena od 1.4.2018.	prijedlog od 1.2.2019.
OBR. SNAGA	KM/kW/mjesec		14,00	10,00	7,00
AKTIVNA ENERGIJA	fening/kWh	VEĆI	4,81	8,00	12,00
		MANJI	2,40	4,00	6,00

Predložene cijene za kupce I tarifne grupe kategorije ostala potrošnja su za 50% veće po tarifnom elementu aktivna energija u odnosu na važeće, dok je cijena po tarifnom elementu obračunska snaga umanjena za 30% u odnosu na važeću. Dalje, predloženom promjenom bi se za kupce iz I tarifne grupe kategorije ostala potrošnja u periodu manjem od 12 mjeseci tarifa po tarifnom elementu aktivna energija uvećala za 149,63%, a tarifa po tarifnom elementu obračunska snaga umanjila za 50% što predstavlja naglu cjenovnu promjenu za kupce iz ove tarifne grupe.

Prijedlog cijena usluge javnog snabdjevača nije u skladu sa odredbama Privremenih smjernica elektroenergetske politike („Službene novine Federacije BiH“ broj 12/14) u kojima je propisano da će se alociranje cijene javnog snabdjevača na kategorije i grupe potrošnje korisnika univerzalne usluge po tarifnim (obračunskim) elementima vršiti sa ciljem postupnog ukidanja unakrsnog subvencioniranja i izbjegavanja „shock“ tarifa.

Iako je članom 14. Zakona o električnoj energiji u Federaciji Bosne i Hercegovine i Privremenim smjernicama elektroenergetske politike Federacije Bosne i Hercegovine propisano funkcionalno, računovodstveno i upravljačko razdvajanje djelatnosti

snabdijevanja električnom energijom od djelatnosti distribucije električne energije, obzirom da na Program prestrukturiranja elektroenergetskog sektora u Federaciji Bosne i Hercegovine, kojega je donijela Vlada Federacije Bosne i Hercegovine („Službene novine Federacije BiH“ broj 20/14), Parlament Federacije Bosne i Hercegovine nije dao saglasnost javni snabdjevač je još uvijek u sastavu vertikalno integrisanog preduzeća JP Elektroprivreda BiH d.d. – Sarajevo. FERK cijeni da javni snabdjevač u sastavu vertikalno integrisanog preduzeća pri prijedlogu cijene usluge javnog snabdjevača mora voditi računa i o zaštiti distributivnog sistema, distributivne mreže, što se ne čini na način da se drastično smanji alokacija troškova na tarifni element obračunska snaga. Predloženim cijenama, odnosno smanjenjem tarife za obračunsku snagu, može se potaknuti neracionalno korištenje električne energije, što može izazvati udar na distributivnu mrežu. Po razdvajanju elektroprivrednih djelatnosti ODS će biti isključivo odgovoran za zaštitu distributivne mreže, što će između ostaloga, činiti predlažući i tarifni dizajn za korisnike distributivnog sistema.

U cilju pravilnog i blagovremenog informisanja kupaca električne energije, FERK je obavijestio javnost o podnesenom prijedlogu cijene usluge javnog snabdjevača za pružanje univerzalne usluge JP Elektroprivreda BiH d.d. – Sarajevo preko svoje internet stranice, na kojoj je javnosti bio dostupan i sam prijedlog sa pratećom dokumentacijom i pojašnjenjima.

Na osnovu pažljive analize dostavljenog prijedloga cijene usluge javnog snabdjevača za pružanje univerzalne usluge, FERK je utvrdio da prijedlog cijene usluge javnog snabdjevača, sadržan u Prilogu 1. Odluke o utvrđivanju prijedloga cijena usluge javnog snabdjevača JP Elektroprivreda BiH d.d. – Sarajevo za pružanje univerzalne usluge broj: NO – 28924/18-81./3. od 31.10.2018. godine, nije utvrđen u skladu sa Metodologijom za utvrđivanje cijena usluge javnog snabdjevača za pružanje univerzalne usluge u Federaciji BiH.

Kako cijena koju je predložio javni snabdjevač nije utvrđena u skladu sa Metodologijom za utvrđivanje cijena usluge javnog snabdjevača za pružanje univerzalne usluge u Federaciji BiH, nisu ispunjeni uslovi za davanje saglasnosti FERK-a na istu, iz kojeg razloga je FERK, postupajući u skladu sa članom 20. Pravilnika o snabdijevanju kvalifikovanih kupaca električnom energijom i postupku promjene snabdjevača, utvrdio cijenu usluge javnog snabdjevača JP Elektroprivreda BiH d.d. – Sarajevo za pružanje univerzalne usluge, a sve u skladu sa Metodologijom za utvrđivanje cijena usluge javnog snabdjevača za pružanje univerzalne usluge u Federaciji BiH.

FERK je svoju odluku zasnovao na Odluci o tarifnim stavovima za korisnike distributivnog sistema Javnog preduzeća Elektroprivreda Bosne i Hercegovine d.d. - Sarajevo, ulaznim podacima za 2019. godinu i podlogama korištenim za izračun cijena ovog javnog snabdjevača koje su u primjeni.

Na osnovu navedenog odlučeno je kao u dispozitivu ove odluke.

PREDSJEDNICA FERK-a
Sanela Pokrajčić